



KPMG Armenia cjsc
 8th floor, Erebuni Plaza Business Center,
 26/1 Vazgen Sargsyan Street
 Yerevan 0010, Armenia

Քեյ-Փի-Էմ-Ջի Արմենիա ՓԲԸ
 ԳՂ, Երևան, 0010
 Վ.Սարգսյանի փ. 26/1,
 «Էրեբունի Պլազա» Բիզնես-կենտրոն,
 8-րդ հարկ

Telephone Զեռախոս + 374 (10) 566 762
 Fax Ֆաքս + 374 (10) 566 762
 Internet Ինտերնետ www.kpmg.am

Անկախ աուդիտորական եզրակացություն

Հայաստանում գյուղական տարածքների տնտեսական
 զարգացման հիմնադրամի
 Հոգաբարձուների խորհրդին

Մենք աուդիտի ենք ենթարկել Հայաստանում գյուղական տարածքների տնտեսական զարգացման հիմնադրամի (այսուհետ՝ «Հիմնադրամ») կից ներկայացվող ֆինանսական հաշվետվությունները, որոնք ներառում են ֆինանսական վիճակի մասին հաշվետվությունը՝ առ 31 դեկտեմբերի 2010թ., հաշվետու տարվա համապարփակ ֆինանսական արդյունքների, սեփական կապիտալում փոփոխությունների և դրամական միջոցների հոսքերի մասին հաշվետվությունները, ինչպես նաև ծանոթագրությունները, որոնք ներառում են հաշվապահական հաշվառման քաղաքականության հիմնական դրույթները և այլ բացատրական տեղեկատվություն:

Ղեկավարության պատասխանատվությունը ֆինանսական հաշվետվությունների համար

Մույն ֆինանսական հաշվետվությունների՝ Ֆինանսական հաշվետվությունների միջազգային ստանդարտների համաձայն կազմման և ճշմարիտ ներկայացման համար պատասխանատու է ղեկավարությունը: Ղեկավարությունը պատասխանատու է նաև այնպիսի ներքին վերահսկողության համակարգի համար, որը նրա կարծիքով թույլ կտա կազմել սխալների կամ խարդախության արդյունքում առաջացող էական խեղաթյուրումներից զերծ ֆինանսական հաշվետվություններ:

Աուդիտորի պատասխանատվությունը

Մեր պատասխանատվությունն է անցկացված աուդիտի արդյունքում արտահայտել կարծիք ֆինանսական հաշվետվությունների վերաբերյալ: Մենք աուդիտն անցկացրեցինք Աուդիտի միջազգային ստանդարտներին համապատասխան: Այդ ստանդարտներով պահանջվում է, որ մենք հետևենք էթիկայի համապատասխան պահանջներին և աուդիտը պլանավորենք ու իրականացնենք՝ ֆինանսական հաշվետվություններն էական խեղաթյուրումներից զերծ լինելու մասին ողջամիտ երաշխիք ձեռք բերելու նպատակով:

Աուդիտորական աշխատանքները ներառում են այնպիսի ընթացակարգերի իրականացում, որոնք թույլ են տալիս ձեռք բերել աուդիտորական ապացույցներ ֆինանսական հաշվետվություններում ներկայացված գումարների և բացահայտումների վերաբերյալ: Ընտրված ընթացակարգերը կախված են աուդիտորի դատողությունից, ներառյալ ֆինանսական հաշվետվությունների խարդախությանը կամ սխալներով պայմանավորված էական խեղաթյուրումների ռիսկի գնահատումը: Այս ռիսկը գնահատելիս աուդիտորը դիտարկում է ֆինանսական հաշվետվությունների պատրաստման և ճշմարիտ կերպով ներկայացման համար կիրառվող ներքին վերահսկողության համակարգը, որպեսզի մշակի համապատասխան աուդիտորական ընթացակարգեր, բայց ոչ կազմակերպության ներքին վերահսկողության համակարգի արդյունավետության վերաբերյալ կարծիք արտահայտելու նպատակով: Աուդիտորական աշխատանքները ներառում են նաև ֆինանսական հաշվետվությունների կազմման ժամանակ կիրառված հաշվապահական հաշվառման քաղաքականության համապատասխանության, ղեկավարության կողմից կատարված հաշվապահական գնահատումների խելամտության, ինչպես նաև ֆինանսական հաշվետվությունների ընդհանուր ներկայացման գնահատումը:

Մենք գտնում ենք, որ ձեռք բերված աուդիտորական ապացույցները բավականաչափ են և համապատասխան՝ մեր կարծիքի հիմք հանդիսանալու համար:

Եզրակացություն

Մեր կարծիքով ֆինանսական հաշվետվությունները, բոլոր էական առումներով, ճշմարիտ են ներկայացնում Հիմնադրամի ֆինանսական վիճակը առ 31 դեկտեմբերի 2010թ., ինչպես նաև նրա գործունեության արդյունքներն ու դրամական միջոցների հոսքերը հաշվետու տարվա համար՝ Ֆինանսական հաշվետվությունների միջազգային ստանդարտներին համապատասխան:

Հանգամանքների շարադրում

Ուշադրություն ենք հրավիրում այն փաստին, որ ներկայացված համեմատական տվյալները, բացառությամբ ֆինանսական հաշվետվություններին կից ծանոթագրություն 3-ի (խ) կետում նկարագրված ճշգրտումների, հիմնված են Հիմնադրամի 2009թ. դեկտեմբերի 31-ի դրությամբ և այդ ամսաթվին ավարտված տարվա ֆինանսական հաշվետվությունների տվյալների վրա, որոնց աուդիտն իրականացրել է այլ աուդիտորական ընկերություն, որն այդ հաշվետվությունների վերաբերյալ ներկայացրել է չձևափոխված աուդիտորական եզրակացություն՝ 28 հունիսի 2010թ. ամսաթվով: Որպես 2010թ. ֆինանսական հաշվետվությունների աուդիտի մաս, մենք աուդիտի ենք ենթարկել նաև ֆինանսական հաշվետվություններին կից ծանոթագրություն 3-ի (խ) կետում ներկայացված ճշգրտումները, որոնք կիրառվել են 2009թ. ֆինանսական հաշվետվությունների տվյալները ճշգրտելու համար: Մեր կարծիքով այս ճշգրտումները նպատակահարմար են և կիրառվել են ըստ պատշաճի: Մեզ չի հանձնարարվել իրականացնել 2009թ. ֆինանսական հաշվետվությունների աուդիտ, ստուգում կամ կիրառել որևէ այլ ընթացակարգեր այդ ֆինանսական հաշվետվությունների հետ կապված, բացառությամբ ճշգրտումների ուսումնասիրության, այդ իսկ պատճառով, մենք կարծիք կամ որևէ այլ հավաստիացում չենք արտահայտում 2009թ. ֆինանսական հաշվետվությունների վերաբերյալ:

PP S. Ghos

Էնդրյու Ջոքսել
Տնօրեն

KPMG A

«Քեյ-Փի-Էմ-Ջի Արմենիա» ՓԲԸ
20 մայիսի 2011թ.



S. Ghos

Տիգրան Գասպարյան
Աուդիտի բաժնի ղեկավար

*Հայաստանում գյուղական տարածքների տնտեսական զարգացման հիմնադրամ
Ֆինանսական վիճակի մասին հաշվետվություն
2010թ. դեկտեմբերի 31-ի դրությամբ*

հազ. դրամ	Ծնթգ.	2010թ.	2009թ. (Վերահաշվարկված)
ԱԿՏԻՎՆԵՐ			
Ոչ ընթացիկ ակտիվներ			
Հիմնական միջոցների և ոչ նյութական ակտիվներ	8	14,054	22,598
Ներդրումներ ծրագրերում	9	432,466	-
Տրված փոխառություններ	10	34,802	-
Ընդամենը ոչ ընթացիկ ակտիվներ		481,322	22,598
Ընթացիկ ակտիվներ			
Տրված փոխառություններ	10	7,354	-
Կանխավճարներ		17,495	11,401
Գրամական միջոցներ և դրանց համարժեքներ	11	68,011	262,656
Ընդամենը ընթացիկ ակտիվներ		92,860	274,057
Ընդամենը ակտիվներ		574,182	296,655
ՍԵՓԱԿԱՆ ԿԱՊԻՏԱԼ ԵՎ ՊԱՐՏԱՎՈՐՈՒԹՅՈՒՆՆԵՐ			
Սեփական կապիտալ			
Հատկացումներ հիմնադիրներից	12	320,570	148,473
Զբաղիված շահույթ/(կուտակված վնաս)		18,930	(3,075)
Ընդամենը սեփական կապիտալ		339,500	145,398
Ոչ ընթացիկ պարտավորություններ			
Վարկեր և փոխառություններ	12	123,114	51,625
Ստացված շնորհներ	14	14,054	22,598
Հետձգված հարկային պարտավորություն	13	5,883	-
Ընդամենը ոչ ընթացիկ պարտավորություններ		143,051	74,223
Ընթացիկ պարտավորություններ			
Ստացված շնորհներ	14	87,757	74,777
Այլ վճարվելիք գումարներ		3,389	2,257
Վճարվելիք շահութահարկ		485	-
Ընդամենը ընթացիկ պարտավորություններ		91,631	77,034
Ընդամենը պարտավորություններ		228,799	151,257
Ընդամենը սեփական կապիտալ և պարտավորություններ		574,182	296,655

Հայաստանում գյուղական տարածքների տնտեսական զարգացման հիմնադրամ
 Համապարփակ ֆինանսական արդյունքների մասին հաշվետվություն
 2010թ. դեկտեմբերի 31-ին ավարտված տարվա համար

հազ. դրամ	Ծնթգ.	2010թ.	2009թ.
Եկամուտ ստացված շնորհներից	4	140,409	46,626
Ֆինանսական եկամուտ	5	34,623	-
Այլ եկամուտ		585	110
Վարչական ծախսեր	6	(140,753)	(48,803)
Տոկոսային ծախս ամորտիզացված արժեքով չափվող ֆինանսական պարտավորությունների գծով		(9,467)	(98)
Չուտ վնաս փոխարժեքային տարբերություններից		(2,907)	(910)
Շահույթ/(վնաս) մինչև շահութահարկով հարկումը		22,490	(3,075)
Շահութահարկի գծով ծախս	7	(485)	-
Շահույթ/(վնաս) և ընդամենը համապարփակ եկամուտ տարվա համար		22,005	(3,075)

Ֆինանսական հաշվետվությունները հաստատվել են ղեկավարության կողմից 2011թ. մայիսի 20-ին և վերջինիս անունից ստորագրվել են:


 Տիգրան Խանիկյան
 Տնօրեն




 Գոհար Հովհաննիսյան
 Գլխավոր հաշվապահ

Համապարփակ ֆինանսական արդյունքների մասին հաշվետվությունը պետք է դիտարկվի 9-ից 32-րդ էջերում ներկայացված ֆինանսական հաշվետվությունների բաղկացուցիչ մասը կազմող ծանոթագրությունների հետ մեկտեղ: